



Kommunedirektørar/rådmenn i Vestland

Saksbehandlar, innvalstelefon

Janne Weltzien Listhaug, 5557 2139

Invitasjon til fagdag om aldersvenleg samfunnsplanlegging

Korleis skal vi saman planlegge for framtida, er tema for fagdagan som det regionale støtteapparatet for *Leve heile livet*-reforma inviterer til. Fagdagan planla vi i april, men på grunn av koronasituasjonen arrangerer vi dei i september.

Plan og samarbeid på tvers i kommunane

Fagdagen vil handle om aldersvenleg samfunnsplanlegging, korleis løysingane i *Leve heile livet*-reforma kan utformast i planverk og korleis jobbe på tvers i kommunen. Vi legg opp til arbeidsøkter der kommunane får diskutere eigne utfordringar. Vi oppmodar kommunane om brei deltaking på samlinga, målet er at plan- og helsefolk skal jobbe saman. Sjå vedlegg for program.

Målgruppe

Kommunedirektørar/rådmenn, planleggjarar, folkehelse rådgjeverar, leiarar i helse- og omsorgstenestene, eldreråd og politikarar.

Påmeldingsinformasjon

Fylkesmannen dekkar dagpakke for fire personar. På grunn av smittevernomsyn ber vi om at de innanfor målgruppa ikkje melder på fleire enn fire frå dykkar kommune. Om det er ønskeleg med fleire, send oss ein e-post. Det er bindande påmelding, men vi ber alle følgje smittevernråda og halde seg heime ved symptom på luftvegsinfeksjon. Fylkesmannen dekkar køyregodtgjersle i eigen bil for medlem i eldreråd, dersom dette er ein av dei fire påmelde frå di kommune. Eventuelle andre utgifter til reise og overnatting må deltakarane ordne og betale sjølve.

For å kunne drive eventuell smittesporing, treng vi og hotella følgjande informasjon om deltakarane: namn, e-postadresse og telefonnummer. Det er også fint om de spesifiserer kva rolle dei påmelde har.

Send samla påmeldingsinformasjon frå di kommune til jawli@fylkesmannen.no innan 15. august for samlingane på Nordfjordeid og i Sogndal, og innan 20. august for samlingane i Bergen og på Stord.



Tid, stad og kommuneinndeling

På grunn av smittevernomsyn og hotellkapasitet vil vi be om at følgjande kommunane melder seg på følgjande stader lista opp under. Om tid og stad er problematisk, send oss ein e-post.

- **Nordfjardeid 15. september, 09.30-16.00, Nordfjord hotell:** Stad, Kinn, Bremanger, Gloppen, Stryn, Sunnfjord, Askvoll
- **Sogndal 16. september, 09.30-16.00, Quality Hotel Sogndal:** Luster, Sogndal, Årdal, Lærdal, Aurland, Vik, Høyanger, Hyllestad, Fjaler, Solund, Gulen
- **Bergen 29. september, 09.30-16.00, Scandic Flesland:** Fedje, Austrheim, Alver, Askøy, Masfjorden, Øygarden, Osterøy, Bergen, Samnanger, Voss, Kvam, Ulvik, Eidfjord, Modalen, Vaksdal
- **Stord 30. september, 09.30-16.00, Stord hotell:** Austevoll, Bømlø, Stord, Fitjar, Etne, Kvinnherad, Tysnes, Sveio, Ullensvang, Bjørnafjorden

Kva gjer vi ved lokale smitteutbrot?

Fagdagane blir gjennomført som webinar dersom situasjonen kring korona tilseier dette. Hotella følgjer smittevernomsyn og vi skal kunne halde fagdagane med tilrådde ein meters avstand. Vi ber om at deltakarane følgjer råda frå myndigheitene, og held seg heime ved luftvegssymptom.

Kontaktperson i kommunane

Det regionale støtteapparatet ønsker ein kontaktperson for arbeidet med *Leve heile livet*-reforma i kvar kommunane. Vi ber om at de melder tilbake til Fylkesmannen i Vestland kven som er kontaktperson i din kommune. Send namn og kontaktinformasjon på denne kontaktpersonen saman med påmeldinga til fagdagane til jawli@fylkesmannen.no.

Leve heile livet-reforma

Reforma legg i denne fasen (2020-2021) opp til at kommunane skal kartlegge eigne behov og utfordringar, tilpasse og innarbeide tiltak i planverk. Det blir også lagt opp til at kommunane skal behandle og vedta korleis reforma sine løysingar skal innarbeidast lokalt. Det regionale støtteapparatet skal hjelpe kommunane i arbeidet med å gjennomføre reforma lokalt. Støtteapparatet består av Fylkesmannen i Vestland, KS, Senter for omsorgsforskning, USHT, Fylkeseldrerådet og Vestland fylkeskommune.

Med helsing

Åse Vaag
fagdirektør

Janne Weltzien Listhaug
seniorrådgjevar

Dokumentet er elektronisk godkjent

Vedlegg: Program for fagdagane